

北京圖書館
編

北京圖書館藏家譜叢刊
閩粵（僑鄉）卷


北京圖書館出版社

節堂祖世德堂祠址圖

吳堯階繪

承接以上第 十三頁 慧聰 公派圖
承接以上第 十三頁 特也 公派圖

榮貴 賈李
編輯 責任
封面 設計
四十 七十
四十 七十



ISBN 7-5013-1770-4/K·326


(全五十冊)定價:28000 圓

節堂祖世德堂祠址圖

吳亮階繪

北京圖書館藏家譜叢刊
閩粵
(僑鄉)卷

北京圖書館
編



A0855722

第2冊

北京圖書館出版社


節堂陳公祠

節堂祖世德堂祠址圖

吳亮階繪

北京圖書館藏家譜叢刊
閩粵
(僑鄉)卷

北京圖書館
編



A0855723

第 3 冊

北京圖書館出版社

節堂陳公祠

三山雲程林氏族譜序

三山林姓不一獨雲程林氏

為世族自晉黃門侍郎穎之

子祿以散騎常侍出守晉安

遂家於閩後有諱比者為福

建鎮撫守南關元末寇臨城

守義不屈闔門就戮遺一子

陽寓依外祖郭氏居故得免

陽二子信任璽信任三子

秀康壽璽任一子文表諸孫

蕃衍至十有餘人秀子玳玠

塘康子璿璣皆舉鄉貢而玠

塘皆舉進士塘為行人陞雲

南道監察御史玠為南京刑

部主事遷員外郎陞淞江按

察僉事恒念其先世之湮沒
危其家之中微幸其所可傳
者而惴惴焉惟宗族散失是
懼乃自比以下著為譜系以
世傳附以家規以傳于家僉

憲君以余同年進士請為序
嗚乎承傳之際重矣族有氏
宗有祀家有業得其人而傳
之乃可以久而不絕故聖人
以有後為孝重之也然天下

之事有常有變小而札瘥天
關之患大而兵革鋒鏑之厄
有不能保其必無者君子之
心蓋曰吾之所得與者莫
能強也吾之所得為者吾不

敢忽也吾之德足以貽吾後
吾之孝足以承吾前吾之法
足以維持保護使之久而不
墜如是而已矣林氏之先不
可得而知矣及其遭世變罹

奇禍以一人之身承累世之
緒岌岌乎千鈞之一髮可謂
危矣及其傳世數百指貴顯
五六人蔓延波衍愈長而未
艾則亦可謂盛矣是雖傳與

繼之各得其道要亦有得於
天者乎夫以數百指之族存
於一人之身則其恩不可忘
而其名字不可不識識其名
念其所自存則所以保其業

者不容以不謹矣是固子孫
之所賴以傳寧獨非祖考之
望於子孫者乎夫吾之兄弟
皆知為吾父之所出則其情
必親吾之伯叔兄弟皆知其

為吾祖之所出則其義不至
於散由是而推焉則雖親盡
服窮而喜慶憂弔之義有不
能已者譜之作其亦重矣乎
僉憲君兄弟飫經學慎官操

並聞於時而敬宗收族尤惓
惓不置此可以繼而亦可以
傳矣嗣其後者欲引干勿替
尚於譜乎觀之

成化丁未九月九日

賜進士出身翰林院侍講學士

奉訓大夫

經筵官兼修

國史長沙李東陽序